

# Bibliotekeqarneq pillugu Inatsisartut peqqussutaata allangortinneqarneranik Inatsisartut peqqussutaat (Akiliutinik aalajangersaaneq il.il.)

## § 1

Bibliotekeqarneq pillugu Inatsisartut peqqussutaanni nr. 4, 15. oktober 1979-imeersumi, Inatsisartut peqqussutaatigut nr. 13, 30. oktober 1992-imeersukkut allangortinneqartumi makkut allanguutigitinnejassapput:

1. § 1-im "meeqqat" kingorna ilanngunnejassaaq: ", taamaattorli tak. kapitali 4,".
2. § 6-im, § 9, imm. 2-mi, § 10-mi aamma § 13-im "Kulturimut atuartitaanermullu direktionip" allangortinneqassaaq ima: "Naalakkersuisut".
3. § 7-im imm. 1 atorunnaarsinnejassaaq.

Imm. 2 taamaalluni imm. 1-inngussaaq, imatullu oqaasertaqassaaq:

"Nunatta Atuagaateqarfia pisortaa, Nuup Kommunianik isumaqatiginniniaqateqareerluni Nuup Kommuniani atuakkanik atorniartarfait eqqarsaatigalugit atuakkanik atorniartarfait taakkulu pitsanngorsarneqarnissaannik pilersaarusiamik suliaqassaaq, Naalakkersuisunut inassutigineqartussamik Naalakkersuisunillu akuersissutigineqartussamik."

4. Kapitali 3-p kingornagut kapitali nutaaq ikkunnejassaaq:

### "Kapitali 4

#### Ataatsimut aalajangersakkat

**§ 12b.** Nunatta Atuagaateqarfia kommuninilu atuakkanik atorniartarfait immikkut ittumik sullissinernut atorniartarfait sullissinerannut attuumassuteqartunut, kisianni sumiiffimmi atuinermi, atortussanik atukkiussinermit nalinginnaasumillu ilitsersuinermit annertunerusunut akiliummik atuisunut akiliisitsisinnaapput. Tamatuma saniatigut aamma atortussanik Qallunaat Nunaanni, Savalimmuni nunaniluunniit allani atuakkanik atorniartarfinit piniarneqarsimasunik atukkiussinermi akiliummik akiliisitsisoqarsinnaavoq.

Imm. 2. Sullissinerit imm. 1-im taaneqartut atuisumit erseqqissumik qinnutaasimassapput.

Imm. 3. Nunatta Atuagaateqarfiani aammalu kommunit atuakkanik atorniartarfifi sullissinernut imm. 1-im taagorneqartunut akiliutit annertussusisaat qanorlu ittumik akiligassiissutigineqartarnissaat Naalakkersuisut kommunalbestyrelsillu aalajangersassavaat. Akiliut sullissinermi aningaasartuitinit qaffasinnerussanngilaq.

**§ 12c.** Nunatta Atuagaateqarfia kommunillu atuakkanik atorniartarfii atorniakkut utertinneqarnissaannut piffissaliussamik qaangiinermut akiliummik akiliisitsisinnaapput. Atortussanut atuisup ataatsikkut atugaanut, aammalu piffissap assigiip iluani killilerneqarsimasunut akiliut annerpaamik 15 kr.-iusinnaavoq,

atortussanulli meeqqanit inuusuttunillu 15-it inorlugit ukiulinnit atorneqarsimasunut annerpaamik 10 kr.-iussalluni. Qaangiineq ullunit arfineq-marlunnit sivisuneruppat akiliut 50 kr.-inut qaffanneqarsinnaassaaq, atortussanulli meeqqanit inuusuttunillu 15-it inorlugit ukiulinnit atorneqarsimasunut annerpaamik 20 kr.-iussalluni. Qaangiineq ullunit 30-nit sivisuneruppat, atortussanillu atukkiunneqarsimasunik utertitseqqusilluni allakkanik tamanna sioqqullugu nassiussisoqarsimappat, taava akiliut 100 kr.-inut qaffanneqarsinnaassaaq, atortussanulli meeqqanit inuusuttunillu 15-it inorlugit ukiulinnit atorneqarsimasunut annerpaamik 50 kr.-iussalluni.

*Imm. 2. Nunatta Atuagaateqarfia kommunillu atuakkanik atorniartarfii atuisup atorniarnermut allagartaata taartissaanik sananermut akiliummik annerpaamik 20 kr.-iusumik akiliisitsisinnaapput.*

**§ 12d.** *Nunatta Atuagaateqarfia kommuinilu atuakkanik atorniartarfii atuisoq atuakkanik atorniartarfinit atorniarnissamut mattussinnaavaat, atuisup atortussat atukkami innarlerneqaratik utertinneqarnissaannik pisussaaffini annertuumik sumiginarsimappagu.*

*Imm. 2. Atuakkanik atorniartarfinit atorniarnissamut mattussineq aamma pisinnaavoq atuisoq akiliummik § 12c naapertorlugu aalajangersarneqartumik akiligassaqarpat imaluunniit atortussanut innarlerneqarsimasunut tammarsimasunulluunniit taarsiissutitut akiligassanik akiligassaqarpat.*

*Imm. 3. Atuisup atuakkanik atorniartarfinit pisussaaffini aaqqippagit, matumani aamma atortussat innarlerneqarsimanngitsut utertinnerisigut imaluunniit atortussat innarlerneqarsimasut taarsernerisigut kiisalu akiliutissat akilerneqarsimanngitsut akilernerisigut, mattussineq atorunnaarsinnejassaaq.*

*Imm. 4. Nunatta Atuagaateqarfia aammalu kommunit atuakkanik atorniartarfiiutaasa atuisartoq atuakkanik atorniartarfinni atuisinnaaneranut aammattaaq mattussinnaavaat, atuisartoq siusinnerusukkut arlaleriarluni atortut atorsimasat innarlerneqartinnagut tunniunnissaannut pisussaaffini arlaleriarluni unioqqutissimappagu. Mattussineq taamaattoqartillugu piffissamik siumut aalajangeriikkamik, atuisartup atuakkanik atorniartarfimmur pisussaaffimminik naammassinninneranit qaammatinik 3-nik sivisunerunngitsumik, piffisalerlugu.*

**§ 12e.** *Nunatta Atuagaateqarfia kommuinillu atuakkanik atorniartarfii atortussanik immikkut erlinnaatiliinnik pigisaqarunik, taakkulu ikittuinnarnik amerlassuseqarnertik pissutigalugu imaluunniit allanik peqquteqartumik angerlaallugit atukkiussassaqqissuungippata, atuakkanik atorniartarfii atortussat angerlaallugit atukkiussinissamut killilersuutinik aalajangersaasinnaapput.*

*Imm. 2. Atuakkanik atorniartarfik atortussanik imm. 1-imi taaneqartunik angerlaallugit atukkiinermi qularnaveeqqusiisummik akiliisitsisinnaavoq.*

**§ 12f.** *Atuakkanik atorniartarfii ataasiakkaat, atuagaateqarfiiup pigisai apeqquaatillugit, atorniartartut ataasiakkaat atortussat atorsinnaasaasa innimimmersinnaasaasalu katillutik qanoq amerlassuseqarnissaannik killilersuutit atuakkanik atorniartarfiiup malittarisassaani aalajangersarsinnaavaat.*

**§ 12g.** *Nunatta Atuagaateqarfia kommuinillu atuakkanik atorniartarfisa atuisut atuagaateqarfii atorneqarneri pillugit piumasarisanik ilitsersussavaat, matumani aamma ilaatigut paasisitsisutigalugit atorniartartut uppernarsaataat, piffissaq atorfiusinnaasoq, qularnaveeqqusiisummik akiliisitsisinnaaneq, atortussat atukkat innarlerneqaratik utertinneqarnissaannik pisussaaffimmik sumiginnaanerup kingunerisinnasai, akiliutinik akiliisitsisarneq aammalu akiliisitsiartarneq.*

*Imm. 2. Ilitsersuut atuakkanik atorniartarfinni allagarsiinikkut aammalu atuakkanik atorniartarfii malittarisassaasa atuisunut tunniunnerisigut tamanut saqqummiunneqassaaq.".*

Kapitali 4 taamaalilluni kapitali 5-inngussaaq.

**§ 2**

Inatsisartut peqqussutaat ulloq 1. juni 2005 atortuulissaq.

*Namminersornerullutik Oqartussat, ulloq 12. maj 2005*

Hans Enoksen

/

Henriette Rasmussen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut